




**ZLATKO MILETIĆ**

*Dom naroda Parlamentarne skupštine BiH  
Klub izaslanika hrvatskog naroda*

Sarajevo, 17.11.2023. godine

**PARLAMENTARNA SKUPŠTINA BiH  
DOM NARODA**

**n/r: g. Kemal Ademović, predsjedatelj**



Na osnovu člana/članka 154. i 155. Poslovnika o radu Doma naroda Parlamentarne skupštine Bosne i Hercegovine ( „Službeni glasnik BiH“, br.58/14, 88/15 i 96/15 ) postavljam slijedeće

### **IZASLANIČKO PITANJE**

**(Izvoz naoružanja, mlinsko-ekspozivnih sredstava, municije i opreme u Izrael)**

Sagledavajući podatke Vanjskotrgovinske komore BiH o vanjskotrgovinskoj razmjeni između Bosne i Hercegovine i Izraela, izvoz u Izrael prema dostupnim podacima VTKBiH u 2019. godini bio je u vrijednosti oko 3,7 miliona, a u 2022. godini premašio je 12 miliona KM, dok je u prva tri mjeseca ove godine izvoz u Izrael, iznosio 4,1 milion KM.

Prema vrijednosti, nakon izvoza ulja od repice, drveta, namještaja, izolovane žice, te određenih soli, na 6. i 7. mjestu na listi top 10 proizvoda koji odlaze za Izrael iz BiH su sporogoreći štapini i detonirajući štapini, a zatim na listi najviše izvezenih proizvoda slijede bombe, granate, torpeda, mine, rakete i slična vojna municija i njihovi dijelovi.

S tim u vezi postavljam pitanje da li je moralno, etički ali i zakonski, pravno zasnovano u kontekstu humanitarnog međunarodnog prava, da bosanskohercegovačke firme očigledno sklapaju ugovore s Izraelom o izvozu oružja i municije iz naše zemlje, što je apsurdno a sigurno je i neprihvatljivo za veliki broj građana BiH, s obzirom na činjenicu da se vjerovatno i sa našim oružjem i sredstvima iz naše zemlje ubijaju civili

u Gazi i Palestini što je suprotno Povelji UN i međunarodnim konvencijama iz ove oblasti s obzirom da se radi o ratnom sukobu.

(Za informaciju; Kad je u pitanju uvoz iz Izraela, među 10 roba koje se najviše uvoze u BiH, nalaze se ostaci od aluminijske folije, filmovi i vrpce od plastičnih masa, štampane knjige, brošure, leci, farmaceutska roba, mašine za automatsku obradu podataka... U 2021. godini iz Izraela je BiH uvezla roba, vrijednih 3,8 miliona KM, a u 2022. godini proizvoda u vrijednosti 2,9, miliona dok je u prva tri mjeseca uvezeno robe iz te zemlje oko 660.000 KM.)

S druge strane, dok BiH razmjenjuje robe s Izraelom, uključujući i to da im izvozimo oružje i municiju, s Palestinom BiH nema trgovinske razmjene.

No, činjenica da BiH izvozi oružje u Izrael pokazuje svu apsurdnost pokušaja da se u nemoći zbog zaustavljanja rata u Gazi istovremeno nameće pitanje „ubija li izraelska vojska palestinsku djecu i civile i bombama iz BiH.“ Svakako to bi trebalo biti neprihvatljivo i za zvaničnu politiku Bosne i Hercegovine, a najnovija dešavanja na Bliskom istoku zahtijevaju hitnu reakciju vlasti u našoj zemlji i očitovanje o izvozu oružja Izraelu.

Da bi Ministarstvo spoljne trgovine BiH izdalo ili osporilo dozvolu za izvoz naoružanja i vojne opreme u konkretnom slučaju, potrebna su i prethodna mišljenja nadležnih resora – ministarstava, Ministarstva sigurnosti BiH, Ministarstva odbrane BiH i Ministarstva vanjskih poslova BiH. S obzirom da je problem inter-resoran postavljamo izaslaničko pitanje, svakom od navedenih ministarstava (4), da li će obustaviti predmetni izvoz oružja i municije.

Odgovor tražim i u usmenoj i pismenoj formi.

S poštovanjem,



ZLATKO MILETIĆ